

ՀՀ Զինվորական դատախազ  
Գ. Կոստանյանին

Պատճենը՝ ՀՀ գլխավոր դատախազ  
Ա. Հովսեփյանին

Դիմող՝ թիվ 90955212 քրեական քրեական գործով  
տուժողի իրավահաջորդ  
Մերուժան Կալեյանի Ներկայացուցիչ  
Արթուր Սաքունց  
Հասցե՝ ՀՀ Լոռու մարզ  
ք. Վանաձոր, Տիգրան Մեծի 59

### ՀԱՂՈՐԴՈՒՄ ՀԱՆՑԱԳՈՐԾՈՒԹՅԱՆ ՄԱՍԻՆ

Հարգելի պարոն Հովսեփյան

2012 թվականի սեպտեմբերի 6-ին ժամը 12:10 սահմաններում թիվ 35383 զորամասի հրաձգարանում հրաձգություն կատարելու ժամանակ նույն զորամասի 5-րդ հրաձգային գումարտակի, 15-րդ վաշտի ժամկետային զինձառայող, շարքային Հայկ Մերուժանի Կալեյանը ինքնասպանություն կատարելու նպատակով «ԿԳ» տեսակի «БП-647» համարի գնդացրով կրակոց է արձակել իր որովայնի շրջանում և տեղափոխվել Մարտունու զինհոսպիտալ, որտեղ ստացված մարմնական վնասվածքներից ժամը 13:10-ի սահմաններում մահացել է:

Փաստի առթիվ 06.09.2012 թ. ՀՀ ՊՆ առաջին կայազորային քննչական բաժնում հարուցվել է թիվ 90955212 քրեական գործը՝ ՀՀ քր.օր-ի 110-րդ հոդվածի 1-ին մասով նախատեսված հանցագործության հատկանիշներով:

Սույն քրեական գործով տուժողի իրավահաջորդ է ճանաչվել Մերուժան Կալեյանը, ում շահերը դատարանում ներկայացնում եմ ես՝ Արթուր Սաքունցս:

2013 թվականի մայիսի 2-ին քրեական գործը մեղադրական եզրակացությամբ ուղարկվել է ՀՀ Սյունիքի մարզի ընդհանուր իրավասության դատարան:

2013 թվականի հուլիսի 3-ին ՀՀ Սյունիքի մարզի ընդհանուր իրավասության դատարանի Ստեփանակերտի նստավայրում թիվ ՍԴ/0099/01/13 գործով նշանակված դատական նիստի ժամանակ գործով վկա Արման Վալերիկի Բոգոյանը ասել է, որ ինքը և գործով վկաներ Գեղամ Սիրադեղյանը, Սարգիս Ավայանը և Դերենիկ Սանամոյանը 10 օրից ավել գտնվել են Ռազմական ոստիկանությունում, ենթարկվել են ծեծի, բռնության և նրանց ստիպել են, որպեսզի իրենց ցուցմունքներում գրեն այն, ինչ քննիչը կթելադրի:

2013 թ. հուլիսի 23-ին նույն գործով նշանակված դատական նիստի ժամանակ գործով վկա Վոլոդյա Նորայրի Խաչատրյանը հայտնել է, որ ինքը 2012 թվականի սեպտեմբերի 6-ից մինչև նոյեմբերի 7-ը գտնվել է Ռազմական ոստիկանությունում: Նա հայտնել է, նաև որ ինքը մենակ չի գտնվել անազատության մեջ և իր հետ գործով այլ վկաներ էլ են եղել:

Բացի այդ նույն օրը նշանակված դատական նիստի ժամանակ գործով վկա Գևորգ Ղազարյանը հայտնել է, որ չնայած իրեն երկար չեն պահել ոստիկանությունում, սակայն սկզբից իրեն տարել են Մարտունի, այնուհետև Ստեփանակերտ (ենթադրում է, որ իրեն տարել են Ստեփանակերտի Ռազմական ոստիկանություն): Նա հայտնել է, որ այնտեղ հարցաքննության ժամանակ ենթարկվել է բռնության, ծեծի և իրենից պահանջել են , որ գրի այն ինչ քննիչը կթելադրի (այսինքն ենթասպան հայտել է կոնկրետ Հայկ Կալեյանին): Գևորգ Ղազարյանը հայտնել է, որ իրեն ծեծել են սև համազգեստով մարդիկ: Դատական նիստի ժամանակ Գ. Ղազարյանը ասել է, որ սկզբում վախեցել է ճիշտն ասել, սակայն հիմա չի վախենում և ասում է այն, ինչ կատարվել է:

ՀՀ Սահմանդրության 16-րդ հոդվածն ամրագրում է անձի անձնական ազատության և անձեռնմխելիության իրավունքը: Մասնավորապես՝ «Մարդուն կարելի է ազատությունից զրկել օրենքով սահմանված դեպքերում և կարգով...: Եթե ձերբակալված անձը ձերբակալման պահից 72 ժամվա ընթացքում դատարանի որոշմամբ չի կալանավորվում, ապա նա ենթակա է անհապաղ ազատ արձակման:»

ՀՀ քրեական դատավարության օրենսգրքի 9-րդ հոդվածի 1-ին մասի համաձայն՝ «Անձի իրավունքները, ազատությունները և արժանապատվությունը հարգելը պարտադիր է քրեական դատավարությանը մասնակցող բոլոր մարմինների և անձանց համար»:

ՀՀ քրեական դատավարության օրենսգրքի 11-րդ հոդվածի 1-ին, 2-րդ և 3-րդ մասերի համաձայն՝ յուրաքանչյուր ոք ունի ազատության և անձեռնմխելիության իրավունք:

Ոչ ոք չի կարող արգելանքի վերցվել և պահվել անազատության մեջ այլ կերպ, քան սույն օրենսգրքով նախատեսված հիմքերով և կարգով:

Կալանավորելը, կալանքի տակ պահել, բժշկական կամ դասիարակչական հաստատություններում անձին հարկադրաբար տեղավորելը թույլատրվում է միայն դատարանի որոշմամբ: Մինչև դատարանի համապատասխան որոշումը ստանալը, անձը չի կարող ձերբակալման հետևանքով անազատության մեջ պահվել 72 ժամից ավելի:

«Ոստիկանության մասին» ՀՀ օրենքի 5-րդ հոդվածի համաձայն՝ ոստիկանության աշխատակցի կողմից մարդուն խոշտանգումների, դաժան կամ նրաարժանապատվությունը նվաստացնող վերաբերմունքի ենթարկելը կամ նրա նկատմամբ բռնություն կիրառելն արգելվում է եւ առաջացնում է պատասխանատվություն՝ օրենքով սահմանված կարգով:

Մարդու իրավունքների և հիմնարար ազատությունների պաշտպանության մասին եվրոպական կոնվենցիայի 3-րդ հոդվածի համաձայն՝ «Ոչ ոք չպետք է ենթարկվի խոշտանգումների կամ անարդկային կամ արժանապատվությունը նվաստացնող վարվեցողության կամ պատժի»: Նույն կոնվենցիայի 5-րդ հոդվածի համաձայն՝ «Յուրաքանչյուր մարդ ազատության եւ անձի անձեռնմխելիության իրավունք ունի: Ոչ ոք չի կարող ազատությունից զրկվել այլ կերպ, քան օրենքով սահմանված կարգով:

Այսպիսով, վերը նշվածից հետևում է, որ ազատությունից զրկումը պետք է լինի օրենքով սահմանված կարգով: Սույն գործով վկաները ռազմական ոստիկանությունում պահվել են անազատության մեջ՝ օրենքի սահմանած կարգի խախտումով:

Ելնելով վերոշարադրյալից և հիմք ընդունելով ՀՀ Սահմանադրության 16-րդ հոդվածը, ՀՀ քրեական դատավարության օրենսգրքի 175-177, 181-183-րդ հոդվածների դրույթները,

### ***Խնդրում եմ***

Ձեռնարկել համապատասխան միջոցները սույն հաղորդմամբ ներկայացված հանցագործությունը բացահայտելու, քրեական գործ հարուցելու, հանցանք կատարած անձանց պատասխանատվության ենթարկելու ուղղությամբ:

Միաժամանակ, խնդրում եմ արդյունքների մասին հայտնել դիմումատուիս:

Դիմող՝  Ա. Սաքունց  
30.07.2013թ.